

NEGARREZ

Zergaitik, Jesus, nere begiak
ez dute negar egiten?

Maite-damuzko bi iturri bizi
nolaz etzaizkit biurtzen?

Negar-malkoaz busti nai nuke
zure gurutze santua,
Zuri bizigo azaldutzeko
nere maitasun-damua.

Egin zak negar, ene biotza,
negar egin zak naigabez,
eta bete itzak begiak ere
malko bero ta samiñez.

Zuk, arren, Jesus, negar-malkuok
maite-oparitzat artu,
ta zure Erruki aundi-aundiaz
nere okerrak barkatu.

Jautarkol

KEZKATI NAUK, KEZKATI!

Euskeraren bizitza, arlo ardurakor,
gainbera ikusteakin ipintzen nauk kezcati.
Erri bati bere izkuntzak ematen zioz nor
izatea. Erri bakoitzak zeramak bere agiri.

Euskaldunen entzumenak ote dituk ain gor?
Euskera!: noren errukigetasunak au i jarri
sentz ergel onen mendean? Mintzaira jator,
ez ditek eusko semeak ire edertasunik merezi.

Gaurko euskotarrak, politikolari utsak,
gogoz txiroak eta arrokeria ugari;
etsaien oparirako azaldurik parregarri.

Obe genukek, laguntzak eman euskerari,
munduaren aurrean izan ez gaitezen lotsagarri.
Euskera gabe, obe bai duk erri bezela ez bizi.

OTSALAR